

萬戶僉使之類皆有定價况於守令府牧使之任乎又况於水使兵使之職乎是以輦寶馱財公然行貨貂鼠有皮而北邊之卒困矣紬布便體而西南之民疲矣眠之蚩蚩偏受剝削之際而麤悍武士榮耀自如甚至邊報日急危難已迫而不肯冒白刃北首赴敵以敵愾為心乃反窺免謀避惟便之是圖國家之事如痼疾而難醫豈止痛哭流涕長太息而已耶憲府之啓正中其弊今之為宰相者其聞之耶其不聞之耶

以崔守仁為慶興都護府使崔彥英為咸鏡北道兵馬虞侯○夜坤方如火氣

庚辰憲府啓曰北道兵使李思曾因胡人羅時哈來告已知骨幹之變在於五月二十日間則所當多般措置期於殄殲無遺而全不動念置之度外已為駭愕而及其造山被國之後身在一息之地坐視不救使我國之人多被殺傷胡虜之人益生輕侮之心其逗留不進失誤軍機之罪昭著無疑徐慶千南致昂